

竹

初

詩

鈔

竹初詩鈔卷之八

武進錢維喬樹參著 姪伯垌 中錫

編次

子中鈞

孫潤斯
溱斯

校字

新歲卽事

朝光驚客起春在鳥聲中
草作經年雨裘非隔夜風
關河雙鬢入物候一杯通
指日天涯柳依依望不窮

盆中梅

以爾秀南國託根來
遠方如何後殘雪不自惜
幽香驛使豈相識
空山未可忘垂垂疎影小
終許占春陽

送似撰

嗟子尚如此天涯又獨歸青山餘我輩綠髮易斜暉遠道無今古春風各是非誰教遊屢倦貧益念庭幃

共有一杯酒誰當送我行白華須此日黃鵠是平生竊祿明時晚謀家志士輕相期間蓴菜且慰故園情

贈劉山人芬腴

山人善岐黃居陳灣山自號黃公山人

黃公山人不愛名還丹早得無世情在山十畝結茆靜
出山一葉浮家輕東風搖波湖水綠垂楊吐烟天漠漠
竹竿不羨魚投綸磐石非求鴻漸陸丈人有道八十餘
丈人學醫先學儒偶來塵市爲人命肯以物役勞其軀
自從軒岐發妙理草木真能劑生死安得九鍼鍼俗師
盡撤迷蒙豁眸子太湖百頃卽上池丈人日飲清而滋

駐顏獲訣非杞菊與物信手成刀圭西山之足吾故里
相期卜鄰更卜此就聽一曲太古琴春風泠泠起十指
韓子元湫善瘍醫作小像屬余補圖爲寫桐陰聽

瀑小景系以短句

人生非碧樹亭亭自含清復非山下泉常作箏筑鳴塵
市不在世喧擾留羣情庶幾巖壑間逸此虛無形之子
韓康裔采葯城北行懸壺雖未僊洗伐已有名偶然寫
面目邀我位置成年來幾兩屐尚踐泥中程蕭蕭梧竹
懷託爾豪素生青山橋畔路
韓君居近此落日期眼明煩君
一鍼砭免使內熱縈

水蛆

孟夏濕陰發蠕動先牆根蝟蝟亦何知出影當初昏庭
堦積澆雨孕化族類紛唯爾行四隅闇處求其羣日月
燭大地燭火徒焚焚矧茲么膺軀敢竊炎景斫沿緣尺
寸壤自照亦有垠猶遜熠燿飛腐草能猗翁得氣偏使
早水澤爲精魂種殊鞭背出命異浮甕存下流不可居
用晦翻朝暉慎勿益長喙一變爲飛蟲

題大兄爲序東姪畫山水冊子

文人腕通造物意力與真山爭定勢初從心孔裊雲烟
旋見毫端闢靈異蕭齋三日急雨傾簷雷忽作高泉鳴
林嵐千疊忽到眼研北勃有天機生白鷗一片心浩渺
翻空直出扶輿表凝眸視久身入之神納都忘尺幅小

人間定復有此境掩映始知筆墨好翻嫌屐齒難盡探
萬里何如十幅掃吾兄近作黔南行歸雲什裏笈不勝
只知山川助真本豈識雷雨愁元精古來福地亦可數
唯有虛構無能名阿咸持去好藏玩臥遊從此扇柴荆

題管編修松崖小像四十韻卽送北行

昔我年十七與君爲諸生因知歲寒姿齒序事以兄修
軀君卓爾伉直心觥觥其才已磅礴揮翰衆眼驚顧殷
若谷懷問道求偏盲賤子慚杜衛徒擅膚神清雖抱萬
卷思腹餒如飢儉瘦同九臯鶴長遜八月鯨豈敢挾薄
絲覲欲相抗衡憶在歲柔兆共引天邊弼南宮篆筆徒
蚓竅雄其成君來誦所作目迺無羣英琅琅珠玉篇韻

與金石鏗扶搖遂得路遺我泣獻荆空憐上坂驥終媿
出谷鶯從茲棄道旁南北殊柑橙繫余跡弛才氣本排
九閼所希及時采匪肯自買名火色猶未然木強徒難
更誰令丈夫衷日愛阿邱蟲人生骨相異先識無其明
便置巖壑間須乞頭崢嶸世方競舉肥天豈吝析醒庶
幾阿堵中有爾釋不平長松夾左右疎竹搖清泠極思
此宴坐免使內熱縈不同雖如面可濯尚有纓豈必中
隱區息影非蓬瀛猶記握手始美好侔瑤瓊鬢鬢各有
髭歲月苦羨彭深慚尾生璽常藉舌可耕君爲上林燕
彈琴已成聲我爲茆屋烏三匝身軫斃榮悴隔方寸形
迹持將迎材與不材閒矧敢居能鳴秋風動臯蘭白露

團前楹明朝見顏色髣髴梁月傾珍重平生交暫作分
路行將期勗令德寧獨千里情況吟對新圖剪盡二尺
檠

落梅四首

憶在丁亥曾咏梅十二疊得大兄和章此景遂
成夢寐矣搗來澄江寓齋臨窻有梅一株花時
對之此心如棘况復苔痕暝色條在人目也卽
物成句維以告哀從此不更效宋廣平賦情嘉
卉矣

飛來一片逐寒烟絕代偏教論少年鍊骨冰霜終作惡
卷春風雨定何緣重逢豈有孤山外相憶真成逝水邊

可惜羣芳煩管領羅浮從此隔遙天

萬斛誰當挽玉塵幽香難與料前身蒼茫擬託長空月
零落惟留大地春幾許湯山方得氣未應聞笛已傷神
人間那有巫陽在枉使何郎淚滿巾

十載相憐官閣東垂垂形影夢猶通人從易去三更羽
天到無情五月風肯信綃衣隨物化也知玉貌與仙同
從今香國無消息剩有孤根夕照中

望斷飛瓊見影疑巡檐分隔歲寒姿看雲白日偏餘我
載酒清溪更與誰中道尚教辜遠贈下枝敢擬占芳時
陳根忍遣隨風了願結西洲再世期

渡河篇爲暨陽鍾明府題像

我聞黃河之源自天上積石龍門勢初壯竹箭俄看九
折流桃花時鼓三春浪東南赴海不復迴以淮爲敵其
雄哉金錢百萬廢 內府宣房尤恃羣工才歲在重光

旣徂暑洪濤忽突千尋土白日蛟龍竟怒飛赤墳魚鼈

愁爲伍是時使君宰厥衝鍾君首令宿遷以尺書檄走

如驚蓬菱根槌帶手親理戴星往往忘朝饗功成大吏

許曰敏醜酒臨波慰勞黽玉貌憐因奔走鍾君自題

制府謂君白面書生金堤快見周防纘使君暇日貌此

今以賢勞成黑面矣圖竭來吾土張座隅粘天一葉恣掀舞想見身兼風雨

趨方今考課多下下使君暮來晨已化學道眞成砥柱

心勤民須守防川戒繫子十番感渡河馮夷知我能長

歌鮑昭一頌尚歛手帶水悠悠奈爾何

蘭花

羅生何處問東皇入室誰言久漸忘餘息定能無百卉
寫心空復有三湘地從香國多緘怨天遣騷人易斷腸
莫向靈均數遺事幽琴終古繫情長

目成曾記蔭清池若有人兮此一時十步空堦添恨色
三春衆草指微詞只應靜者能知爾未必愁予可訴誰
寄語滿堂休折取數聲鶉鳩最相思

窮谷千年剩楚魂漫從天末想同根無言已覺人俱遠
不采何堪我尚存塵世竟難求佚女春風枉與薦芳蓀
他生倘有南陔約除是梅花作弟昆

叠前韻

何來北渚降英皇，怨入幽叢總未忘。
豈有餘芳遺下女，依然分綠到寒湘。
歡言早訂三生譜，服媚徒迴一寸腸。
畢竟春風工汎愛，無情衆草接天長。

相憐臭味敢差池，豈意同心隔歲時。
舊約尚縈香草夢，微吟長託楚人詞。
靡蕪秋老應難問，蝴蝶春來復爲誰。
一任東鄰誇九畹，此心空谷有餘思。

年年吹氣續幽魂，爭擬靈芝不藉根。
公子離憂何日解，美人雜珮至今存。
空山落落愁無主，別館青青漫有蓀。
比似黃磁勞位置，並時應復少金昆。

題湯緯堂吟秋圖卽送北行謁選

歲在大荒落時維暮之春見此吟秋圖悠然吾故人故
人與我居比鄰相交廿載情如新舊時意氣颯然感今
者面顏溫而淳一行作吏事不廢緯堂舊撿點奚囊數
萬字每當梧井報初涼猶愛霜毫弄幽思白露下墜庭
蘭芳木葉遠脫鴻鴈翔羅幃舒卷素月光美人獨處愁
洞房昔曾與君共搖落當此一舉能干觴人生那得長
鄉里臨水登山春亦爾名成倘憶故園花更有叢生是
桃李

閏三月廿日在澄江旅舍夢大兄於舊所臥室朗
誦詩一聯隔窻聞之意甚悽徹覺而雨聲浪浪如
與涕淚相沓也其次句了然出句則惟記白雨二

字因續成之

江上心成千疊愁人琴真逐水悠悠吟兼白雨和天墮
夢繞黃河入塞流三下哀猿空枕簟百年春草有山邱

旦夕爲兄
謀域兆

聯牀歷歷思前事一曲青峯見影休

題李生面山圖

世人畏青山塵容愧相見紛紛朝市心咫尺如鄣扇草
堂或移頽盤谷孰歸愿終南得捷徑徒令識者賤李生
少年子拄笏亦暫時豈其巖壑情自審位置宜惟予愛
雲山稽首拜作師往往几案側貌出窈窕姿憑虛索晤
對况敢真賞違人生幾兩屐結屋素懷在山靈見我面
便與俗士背春風吹髣絲落日照橫黛去路尋無緣羈

身厭重戴

題畫贈蔣軼亭

一帶寒岑鎖斷烟
江南落木正蕭然
昏鴉日日高柯宿
看盡溪頭渡客船

作春池感夢圖并系截句

園柳鳴禽變友聲
池塘春草又叢生
江干獨坐拋書卷
一夢西堂萬古情

不寐

獨夜兼風雨
相思隔死生
短檠挑易盡
遠樹聽難平
薄俗成孤往
浮榮愧漸明
天邊有歸鴈
一爲墮哀聲

登君山

一眺成千里危樓倚夕陽江含疎雨白山入亂雲黃舊
夢覘鷗沒浮生怯葦杭春申遺蹟遠不爲感興亡

上弦

高樹難成霽疎簾獨與親何須聞夜雨皎月暗傷神

大兄爲楊甥宗韓作山水未竟留予篋中忽忽判
年矣暇日檢出稍加補綴歸之不勝愴然率題二

絕

一紙秋聲墨未乾人如雲去望無端從今便有瀟湘意
寫出新愁只自看

畫筆詩腸作弟昆幽蘭難續大夫魂披圖只合增烟雨
滲入溪林有淚痕

誌感

衆裏情成獨周旋強自深蓼莪千古淚鴿鴈百年心髣
漸虞清鏡名還愧白蟬悠悠江上宿眞作暮猿吟

題段上舍蓉阜修竹吾廬圖

予性頗愛竹謂其致蕭疎以茲淇澳心自號曰竹初其
初挺生意直節任卷舒寧須待凌雲蒙穉吾所如圖中
亦靜者託興與俗殊苟非此君友胡得清而癯世人戀
華屋酒肉環其軀茫茫塵土間何者爲吾廬朝來爽籟
起颯颯鳴笙竽與爾感秋人卜此懶性居

呂甥叔訥舊歲得大兄畫冊未有題款爲書二截
句於帙尾

蒼山疊疊水悠悠散映雲烟逼暮秋
贈與羊曇應有感
此中風景似西州

詩句幾添康樂夢文章曾作子由師
而今圖畫空相憶
對影聞聲彼一時

題張古漁畫幅二首

幽芳何處寄相思翠袖天寒徙倚時
我似廣平心鐵石
風期只有此君知

開到東籬歲漸寒霜姿合共酒盤桓
陶家三徑依然在
五尺圖中子細看

夜夢亡妻作

汝昔去我目欲挽不得留汝今來我心欲推不自由
蒼

茫長夜間知汝在何許何期精爽接魂魄倏與聚汝真
我邁耶何不悟汝死汝不我邁耶乃是幻想耳憶從形
影判六年墓田宿草縈荒烟癡兒嬌女尚如此以我聊
落知卿賢攬袂執手何惻惻繁昏月斜見顏色寒蟿吟
堦虛幌黑落葉一去渺無跡人生速若石火光存者漸
短亡者長無須向我作嗚咽他日真逢與卿說

澄江試院中彭宮詹雲楣見示明道鄰史公畫像

屬跋長句

像係卷子首列公家書一紙後有顧貞觀秦松齡諸君跋乃蔣太史士銓得之

琉璃廠市中者

凜然止氣生尺紙誰歟遺像閣部史身騎箕尾逾百年
展拜今知公不死公之生當明祚傾金戈隻手勞支撐

移書枉數七不可半壁已定秦子嬰當時空縮淮揚印

敵爭未寧復四鎮猶令掣肘格防河終使登陴成蹈刃

吁嗟乎明亡不由寇盜由奸黨巢幕何堪紛蝟蝻貫索

方修北寺嫌笙歌尚耗南都帑惟公力盡搜孤城春秋

大義徒硜硜石頭自合死袁粲海島豈獨亡田橫從公死者

有任民育何剛諸人我聞公狀頗短小蒼顏電目神皎皎忠魂本

自信國來柴市千秋墓同藁公母尹氏夢文丞相入其室乃生公中宵鹽

鼓幾嗚咽公嘗歲除遣文牒至夜分索酒而肴肉已盡給將士乃取鹽鼓啖之曉日更籌

亦驚擾軍中以憂勞恒不寐偶醉憑几臥比明將士集轅外知府任君恐驚公命鼓人仍擊四鼓公寤

大怒左右白其故乃免一呼礮火飛姓名身是前朝督師老遺將

片札淚滿行至今讀者推肝腸同歸定得有巾幗相訣

竟忍辭高堂

公家書問母起居外訂夫人借死未日書至此肝腸寸斷矣

圖中袍笏

森威列不獨梅花嶺邊留碧血椒漿慎勿酌高秋恐有悲風吹竹裂

中秋夕對雨有懷

天意憐孤客今宵不放晴攤書連樹色把酒答檐聲欲見憑長枕相思入短檠嘹嘹空外鴈於我助離情便有團圓節難禁生死腸白雲成昔夢烏鵲易他鄉秋井真應塌征衣裊益涼幾家簾幙裡猶是望清光

題儲上舍玉琴畫溪春泛圖卽以誌別

春風一葉恣幽探天亦空明水亦藍如此溪山眞畫裡人生耐可住江南

四首新詩乍識君

澄江李生小尹輯近人詩名玉琴集登于四章

而今真個悵

離羣春申江畔蕭蕭雨并入寒潮不可聞

題楊秀才蓉裳吟翠軒藜

蘭茗茁春風氣與百草殊天文散鸞鷲光采備五鶴子
雲元經不在世秦王竹室初著異人間俊物豈論年書
客麗眉幾垂涕一鐙照影澄江館璨然新吟驚到眼詰
朝入戶足音登瓊樹亭亭得悃款方今詞壇久沸羹下
士競作蒼蠅聲或如躡躡走廣野或如肖翹翔杳冥或
操偏師強摩壘或奏柝警希和譏或彫冰脂徒損形或
貌蛇鬼垂其恒干鈞善息自有技二缶易惑誰能爭豈
知神仙本嬰孩康莊直往通蓬萊羽陵蠹簡聽漫滅太

行石髓空徘徊君詩已到溫與李孤桐朗玉秀無比家
積青箱腹不飢夢吞丹篆思俱綺能鏤心腎出五色亦
貢琳瑯成一子等身寧假祭獺來應手真看擲鰲起我
才近倅退鋒郎苦以駑力思騰驥金門幾悲春帶緩銅
輦空抱秋衾涼如君弱冠名飲香機文岳藻安可量更
化雲霞作元氣便挾日月皆天光九龍山前夕陽落折
疎麻兮倚高閣相思倘憶此論文莫作西風掃殘蕻

題蓉裳羅襦樂府

一曲東南孔雀飛秋風吹淚華山畿借君五色江郎管
染作花開緩緩歸

新調吟風播洛城

君大阮笠湖曾製吟風
閣雜劇深得元人旨趣

又從羯末見

清聲紅牙一任敲殘月柳俊辛豪各擅名

銜山精衛奈愁何憑仗鷓鴣絃補恨多我亦金壺空蘸墨

茫茫碧落賸商歌

予所填碧落絃一
曲係悼亡之作

詞人近代推洪孔

助思東塘

今日吾鄉有豔才安得段師新

撥手杏梁塵外數聲來

五更起登小樓

秋樹風如雨蕭蕭日滿庭起看涼月墮已覺暗蛩停圍
野溪痕白當窻岫眼青幽居長似此便擬草元局

寄答楊生六士餽筆

圓筠削霜漆絲巾織端妙染秋露濕千年人識蒙將軍
空山老兔排頭泣故人憐我手生繭致此一把意繾綣

鐫來名字金錯刀

幹有竹初書畫筆五字

贈與幽靈青鏤管龍文

未成天外舉馬鬣早瘞牆陰滿我今持受三太息煩憂
入胸匪衣澣君不見丈夫墮地身手殊如虹意氣縛敢
舒不能上馬握槊草露布毛錐三寸胡爲乎黃皮袴褶
委塵篋翠眉駉駛鳴長塗拘研心孔入旆頰頭白空使
精神枯翻思是物亦可使醯醬干坻大都市飽濡墨瀋
恣橫斜塗乙朝朝億萬紙保清亦是我輩爲戎矚要知
等人耳曷不攜將五色歸若翁管城便作劍山封吐花
盡作鈇銑氣炙火不受齏鹽窮如椽巨手徒爾雄欲補
造化吾無功湘江夜寒鸚鵡死玉牀翡翠彫秋風我欲
敬持杯酒問帝庭彩毫誰請長庚星蘭臺給札豈足貴

徑須託子身後名文犀翠羽兼象齒還君祝君無負此
分應邱壑置幼輿定有文章歸阿士白藤書笈手自緘
無食肉相知難兼功成他日論第一免冠幸及臣頭尖

涼

江館涼生易秋潮晚到門風林全作勢霜野欲收痕遠
夢蘼蕪路幽懷薜荔村惟應愁積雨遲起悞朝昏

秋感六首

秋風如高人炎退倏然至涼蚤一以動庭草顏色異自
我來江干過眼漸三季寒潮盪城根落日泚無際遙鴻
墮霜音衆木撼雨勢感此天涯客凜慄不成寐憂多序
覺促名賤跡易滯悠悠萬里心一與病葉墜

人生爲鮮民有如木離土支葉雖暫榮託根已無所俱
存憶三樂嗟我遂失怙覩顏率甘生誰念逝者苦空爲
大鳥獸踰時一號楚飛飛林中鳥三匝江之滄落月慘
平野秋槐墮如雨抱此寸草心煢煢自終古

孤鴻渡湘浦哀響遺重雲豈無凡羽儔相失懷其羣同
焉附毛裏託體爲弟昆何期中道違望影呼蒼旻池草
萋改綠瑤琴黯生塵唯餘夢寐中俄頃通精魂斯人竟
長往修短難具論所恐門祚衰寧惟憂一身

客從遠方來貽我一瓊玖鏤爲雙魚佩頡頏永相守人
非鹿豕羣安得長執手精誠不相貫對面亦卯酉貧知
擇交難狂識忤俗久達爲雲龍飛窮作牛馬走區區望

尺素懷袖竟何有，諒無黃金資孰肯同白首。

幽蘭在空谷，羅生豈不芳。松柏歷歲寒，誰與同青蒼。造物如持衡，黍稷隨所量。堅金豈賤細，弱草徒論長。衆愚但求形，安識桷與杗。願言修名客，不朽貞其常。

空江夜生寒，浮氣滿城郭。森旻衆星動，時見梧葉落。幽人坐孤館，對酒不成酌。愁顏怯明鏡，髣髴如墮蓬。誰使朔鴈來，歲事竟蕭索。操持半芻狗，嗜好或枘鑿。徒爲抱長鯨，終復愧尺蠖。驚飈捲白日，霜野催遠柝。念此臨水人，慄慄衣裳薄。

客夢

客夢曾無着，殘檠不肯明。咽蛩移近砌，吠犬靜寒更。歲

序經鴻促愁懷與月橫牀頭長劍在未敢舞鷄鳴

暨陽九日

斜日空城鼓角頻

宅臨講武場以霜降時聞操聲

傳杯愁說度佳晨又

看鴻鴈來三楚已插茱萸少一人心事寒潮隨月上生
涯落木與霜親不須故國尋茱菊憶到黃花淚滿巾

趙松雪畫陶貞白小像歌

大兄舊藏

華陽仙館吹笙歇真人一去如明月丹笈長隨鶴背遙
紫芝猶在鵝溪活千年好手趙王孫寫出南朝舊隱君
拂紙元標驚得夢拈豪逸氣嘿通神青雲白日誠非遠
朗目疎眉自有真鳧翼恍來天外鳥鹿皮猶見嶺頭巾
人生霞舉應如此豈可朱門苦求仕曉挂朝衣神武門

暮從句曲餐瓊蔬雙丸鍊得贈君王十賚頒將封弟子
上殿若耽方朔戟入山終握稽康髓此圖一展內熱除
勝向南華讀秋水憶昔清齋坐品量阿兄說與最珍藏
鷗波遺蹟曾收二已失羅敷陌上桑

大兄舊尚有羅敷采桑圖一幀亦松

雪真蹟

退直犀簪親數軸時晴鵲尾特熏香肯施寒具看

憑客但遣重緜裘作裝東山一旦無絲竹玉躡金題半
零落寶帳宜官夜月涼練袞逸少秋霜薄宮牋十幅空
銷彩文石三峯初損角風雨難存顧氏厨梅花非復何
郎閣可憐翰墨散雲霄斜日池塘草色彫舊業范馨徒
與硯餘情王覽尚慚刀黑頭歸里增惆悵不得山中爲
宰相鈴葯虛傳肘後方玉棺永斷塵區望丹青前後三

文敏

自趙吳興後董華亭與吾兄皆諡文敏

文采風流洵輩行落筆都教

寶世間寫真除是憑天上生涯枉泛孝廉船趙壹空囊
但少錢眼看雲烟難自守人琴回首一潸然

看雲泰岱圖爲楊生作并繫以詩

峩峩岱宗高觸石雲氣升鴻蒙起膚寸鬱哉霖雨成秋
風颺青袍有客爲遐征東將陟日觀一聽金雞鳴磴道
五十盤上與霄漢平玉女顧之笑芝童遠相迎盪胸滌
勃來長嘯天門驚阮屐旣以蠟秦碑遂堪銘會當小衆
山笈裏齊魯青

董貢士伯起予表兄也久客都門歸里後囑寫漁
樵耕讀四圖兼索題句各成五律一首

一竿誠勿厭何處不烟波白日成孤往青山發權歌家
鄰鷗路近夢逐水雲和歲歲溪邊柳無愁攀折多
舉火原非易勞薪且自知但辭緣木悞敢計息肩遲鹿
豕眞吾友佗喬或爾師秋風吹漸老卽此入山時
漸覺力田好酬勞只歲終但教聽布穀豈不勝飄蓬一
雨春犁滑千畦曉饑同平生慳負郭也復祝年豐
寒袍今似此始憶舊青箱干祿無長策投閒有草堂短
檠原不負濁酒略相當莫更緡多帙南華第一章

林中鳥

日照城西隅林中啞啞鳥漸噓一鳥衝烟旋不已衆鳥
張翼從之飛吾不辨其聲之悲與喜但覺穿枝繞葉無

休時江邊有鴻鴈月黑不得宿自不求卑棲眼看羣鳥
傍人屋傍人屋呼秋風朝飛樹西暮樹東就中寡雌雜
單雄一朝得食誇乃公

蟋蟀歎

金秋入土隅蟋蟀鳴應候其性稟陰妬乃復好健鬥兒
時移篝燈灌穴抉使出偶然就掌握嬉戲亦何失豈知
市井藉牟利頭足音聲辨之悉我聞此戲始自天寶間
長安富人聊角錢萬金家室付一喙殺氣已兆微蟲先
物生勇怯兩無觸却從好事戕厥族紛紛生計散跳擲
作俑何人罪莫贖君不見半閒堂前涼月明金籠夜作
戈甲聲么磨小物相公喜賭却襄陽百萬兵

自去臘迄今夢大兄者十夕而五其情之感耶抑
吾兄弟尚不隔耶不則夢寐之事固幻渺無足據
耶作詩自傷亦以告冥冥

故園一別無春草落月重逢有帝閭風雨已成諸弟淚
雲山猶結大夫魂百年冉冉霜林在四海茫茫鴈影昏
地下若還聞我瘦不嫌深夜數相存

曩曾次東坡聞子
由瘦韻奉寄因得

謝章

鍾明府署中看菊

是物最幽傲朱門那得知秋光容汎愛霜徑有前期客
味宜三嗅寒香自一卮誰能辭折柬白首見東籬

久雨霽後見月作

行言金 卷八 二
寒月不成色微茫况始晴城空霾野氣天遠入江聲戀
客惟孤影淒人有別情又看當歲晚心緒幾回明

寄趙味辛蘇門

君向穹窿好讀書高寒已近歲將除坐看瘦日生幽壁
臥聽霜鐘撼綺疏此際攜詩尋太華何年拂袖記匡廬
彥倫木不儕猿鶴休畏移文勒舊居

暨陽客舍得曼亭書却寄

故人自對西都月賤子空嗟東閣梅一別已看人事改
三年唯有鬢絲催天邊白鴈遙傳淚江上丹楓倦舉杯
莫向鄉關懷庾信近來詞賦總多哀

閱袁簡齋小倉山房集却寄

獨得南朝曠達風遺狂今日有袁公家移白下鶯花裏
才到黃初詞賦中垂老湖山雙鬢在投閒褻展幾人同
何時重過羅含宅一卷長歌藉爾雄

題畫

不分烟波託鬢絲等閒鷗鷺且相知一竿靜對楓林晚
又是溪山欲雨時

次蔣編修萃翁彭閣學雲楣韻送洪秀才稚存之
廣陵

丈夫家貧一投筆豈曰無衣安且吉誰能豁眼出雙丸
立使登天生八翼故人陋巷席作門窮經有若雜誦孫
頻年奔走挾書筴歸來寸舌誇猶存大江左右掄才地

使者憐才發真意中緣三徑作曹邱各寫長歌當奏記
雅存極爲諸先達所賞
各贈詩札爲謀筆畊地我昨夜見春星芒頭顱加長學
不強東風打窻氣浙瀝曉電墮瓦聲低昂故山黃獸不
可煮命託蒲帆敢言苦亦知雞肋是人情便得猪肝豈
吾土與君負米爲朋儔劍氣何意識者求人生磨礪在
千古富貴真作閒雲流作詩西江兩才子愛君拔君自
隗始邗溝烟水莫潮生聽爾清吟鷗鷺起

題桃花書屋圖贈人

落日溪山漸放春草堂琴鶴意相親先生自種門前柳
不許旁人湯問津

夜雪

嚴氣迸春寒向晚勢更亟
靄空墮凍雨俄覺衆籟寂
我時中微醒起聽漏三商
開簾燭光斜拂面森一覘
綏綏乍灑樹窸窣旋逗隙
颶空亦有威慘地未成迹
庭草將吐碧檐花欲含白
終知晞陽功猶見積陰力
頻冬歲不稔田事望宜麥
敝裘幸在身念彼無衣客
明晨驚尸寢杲杲出日色

以盆蘭餉彭閣學佐以長句

西江才子金門客來主江南
風雅席輶車帶得上林花
散作芳菲滿蘭澤我家近鄰
陽羨山羅生歲歲山之巔
露芽風葉不自惜黃磁綺石
爭相妍東皇本是騷人侶
特與國香開淨土但容雜佩
寫相思肯許塵襟潛訂譜

人間真賞淡始成使者愛花不愛名豈無桃李門凡豔
脈脈自抱沅湘情春風昨夜吹百草鷓鴣先鳴破清曉
未愁臭味少良媒所恐薜蘿隔長道數枝持贈供幽吟
晴窻坐久息自深素琴一曲月初起獨見千秋空谷心

竹初詩鈔卷之八終

竹初詩鈔卷之九

武進錢維喬樹參著

姪伯坻

中錫

編

子中鈞

孫

潤斯
溱斯

校字

至都門過翔鶴堂故居有感

獨立天涯寡所親
征衫誰與澣緇塵
更堪重過烏衣巷
燕子飛飛故繞人

離居風雨憶江南
聚散頻看柳影殘
賓從不應零落盡
空餘道左泣何哉

百年存歿見相思
落日西州返駕遲
尚有對門髯御史

後堂絲竹不勝悲

謂陳君
聖時

南馳北走幾經年華屋山邱總惘然不信舊時觴咏地
茫茫已作再生緣

玉珂金勒影參差殷地車聲又一時十畝桑陰無恙否

隔牆猶見最高枝

綠雲書屋以大桑一株得名額
爲橫雲山人所書今已失去矣

論文聽雨久追陪南去猶教並轡回此日西堂誰得句
豈知獨有惠連來

雜感八首

春風動百草吹客黃金臺驅車過桑乾白日忽已頽行
行至都會冠蓋何喧豗初來柳色綻旋見桐花開人生
感遇合一舉能千杯三年竟誰鳴八斗空復才安能久
洪忍俗士爲之儕

奔雲無恒姿高樹有靜陰志士惜駛景羈人易長吟鄉
關一以別迴若鳥去林投俗愧佩韋論文期斷金榮辱
敢厭迹屈伸持此心鳳皇在高岡日暮懷好音

幽蘭植庭阿娟娟吐新綠上承九霄露發此三春馥百
卉以息吹氣與大化續桃李不能芳徒然悅凡目素琴
鳴玉軫渺渺隔空谷卷施一寸心爲爾中屈曲

置酒忽不懌起歌行路難墮地作文夫敢曰懷與安毛
雖久束縛中夜生煩寃何如去從戎萬里披心肝腰下
七寶劍頭上切雲冠投身弧矢叢性命無獨完安知棄
繡客不得生入關

大道多悲風驚塵晦白日輪轅轉萬古來往互相失寸

暑積人代循轍異其物喔喔汝南雞使我不得息何須
太行坂欲進傷詰屈

鷄鵠海上來避風魯東門斥鷃奮林莽決起離其羣寧
緣毛羽異遲速殊所因得者蠅附驥失者玉爲珉文章
賤白屋裘馬酣朱輪誰能豁眯糠一使吾道尊

我思梅子真變名託吳市榮達豈不羨高危未敢履抱
關貧所宜將毋庶藉此敢憎方朔飢願效毛義喜時明
竊祿艱學短負乘恥飛飛林中烏日暮靡所止南望白
雲遙憂哉咏陟屺

達有市道交窮知歲寒朋苟非憂患共詎識生死情東
火易以燃酌水難爲冰始知炎炎中肝膽不得生人心

九折坂風雨合杳冥當筵一杯酒意氣爲君傾遐思管
鮑儔使我心怛怛

出都赴陝西作

頻來射策滯皇州去日依然季子裘末路才名思吏隱
中年關塞仗朋游天邊草色燕臺暮夢裏詩情華嶽秋
尚有舊交憐濩落瀕行無計與攀留

一鞭遙趁日初斜從此升沉付落花但得頭銜當負米
豈因足繭輒思家五噫敢爲窮途作四騎徒從舊侶誇
西去秦關好登眺壯懷休惜百壺賒

五日定興道中示張東舍管韞山

弔古空懷屈長驅擬適秦青袍仍作客白日又佳晨物

候驚游子塵勞戀故人愁看村市外角黍喚嘗頻

見月

天涯亦有月欲宿見分明遠樹含塵氣危檐遠柝聲影
知千里共愁逐一鉤生定有長安客銜杯與計程

樂城謁漢永昌亭侯趙將軍祠

真人崛起樓桑村武擔一鼎炎祚存攀鱗附翼悉奇傑
常山之將真將軍燕南趙北中如礪據險公孫非所事
魚水君臣契亦同白馬銀袍餘猛氣將軍百戰莫敢爭
當陽匹騎何縱橫一身是膽豈足貴要以慎密全其名
能制東征唯孝直忠如臥龍空太息片言立使大義明
吁嗟紫髯非國賊我來下馬荒祠中虛檐疑有雲雷通

出師未捷虎臣失魚復秋風恨不窮

過趙州

黃沙白草暗行程遠堞烟中乍問名十載天涯少知己
單車又過趙州城

邢臺途次題東畬澹春別墅圖卽送之蜀

十年我識張公子畫手詩情兩無比中更聚散各萍浮
別輒相思見恒喜今來握手復華京一官將作成都行
予亦西征訪太華聯車共計天邊程天邊落日塵迷路
回首鄉關夢無處吟餘示我澹春圖粉本金閨出烟霧
江南三月繁英飛東園草長鶯亂啼杏花別館暮聞雨
燕子空梁畫掩扉君家況住葑溪曲盡攬滄浪歸一屋

舊拓鵝羣墨二螺新蹠輞水牙千軸人生富貴何所須
綠天一几資清娛長驅襪襪觸炎暑以彼易此胡爲乎
前行好作峨嵋客石鏡銅梁訪遺跡投筆還尋嚴武營
飛書早奏相如檄萬里橋西漫憶家吳門匹練白雲遮
他時倘遇秋風起期爾東陵並種瓜

早發沙河

未曉鈴聲急涼風吹滿身亂流明見馬獨樹暗迎人燕
趙家千里關河夢兩輪預愁亭午日未及此迷津

韞山途中以穀綠笠障其面詩以調之

臺笠都人儉夙誇又看側帽走天涯翹塵肯使污青髻
燕領從教護碧紗故國飛蓬書久斷空林墊角兩初斜

他年越客逢長揖多恐停車眼欲花

國士橋

士爲知己死女爲悅己容一朝感激次心骨漆身吞炭
非其躬當年中行亦臣主衆人遇我何足許吁嗟乎愛
士須愛徹畜馬盡馬力長芻數束豆數升縱有驍驍氣
先塞君不見國士橋匹夫銜恩頸血漂仰呼三躍天爲
高至今橋畔風蕭蕭

邯鄲盧生廟

久知身是夢不待謁君祠小別遊仙易長征入道遲浮
榮嗟未得初服返何時日日新炊熟車驅有所之

旅宿贈東翁

已過士衡遊洛歲尚持蘇季說秦書
青春作客君何恨
朱紱從軍我未如
南去關河千嶂外
西來雲樹一檠餘
祇應愁折咸陽柳
錦里秋風更索居

韞山以邯鄲咏古詩見示中舉國士才人屬對似
仿史遷合傳之意率爾謝之

弔古空餘酒一尊
才人國士總難論
從知紅粉能妨命
只有青萍可報恩
溢水秋風難洗恨
叢臺夜月與招魂
遭時我亦求知已
策馬邯鄲淚暗吞

對酒示韞山

長途斷壺觴渴若念好友西行數子俱所苦
乏升斗竭
來邯鄲市青帘出高柳
涎流遇麴車欲過仍轉首
初嘗

土不復侵衣裾

客舍夢大兄

茫茫獨鴈赴關河
夢裏鴛鴦原感若何
故宅金臺餘恨望
舊遊銅狄記摩挲
三年骨月長存眼
一夕輪蹄自放歌
猶向天涯慰淪落
照人梁月淚滂沱

河內

懷州地近大河濱
韓魏名疆此地分
沁水秋深曾作漲
辛巳黃沁交平津
漲浸城數尺侯邑
行山曉望總成雲
金門士賤公孫策
銅馬人思帝子軍
莫訝郊原多騎射
勁兵三鎮古

來聞

時學使方校武郭外

宿孟縣

驚塵拂拂柳斜斜客過河陽不見花明日輕帆到南岸
隔重江水是吾家

早發孟縣

孤城曉望鬱嵯峨一片危堤帶月過天際河聲伊闕近
馬頭山色太行多地因拱雒開形勢人自遊梁得嘯歌
從此鞭絲徑西指長安應不隔烟波

孟津渡河

一綫龍門禹鑿開洪波於此識東來漸看幾折趨中土
遂有通津繞帝臺落日金烏樹影亂橫空竹箭鼓聲催
真源直欲探星海安得乘槎去復回

洛陽懷古

形勝天開百雉城土中風雨自和平澗漚載卜從周鼎
印洛分環有漢京金谷已傷秋草沒銅駝幾見暮雲更
南來莫再尋遺宅第一人才只賈生

硤石

羣峯怒西奔百里勢一束車行屢升墜徑仄往而復摩
空雨蒼崖夾立堯炎旭長風不得墮亂石傷我轂北從
鏡門來所向乏平陸縈盤意滋倦塵土況在目山高鬱
雲根天窄巨地軸巖花斑淺絳澗樹森衆綠人家古陶
穴麥隴橫被谷稍豁峽角開直下見林屋始知艱阻區
猶得吾託宿

崎陵

地險出山勢壁立皆雄城晉師昔禦戎於此摧秦兵嶺
岫累衆石立馬愁歛傾升降百丈懸迫隘壤鮮平我聞
函谷關扼要成強羸維茲境積阻亦足與抗衡捷還偶
先軫怨復終孟明遂令六國將魂誓咸陽旌霸氣今已
銷羣嶺猶崢嶸鬱哉二陵樹風雨含悲鳴客來苦登頓
懷古心怛怛承平日已久故壘爲田耕願息天外戈萬
里行不驚

函谷關

雞鳴人起度函關立馬蒼茫月黑間門扼秦秦容一騎
地當強晉有千山清時已賤九泥畧固國何須飛牡還
只合板車尋令尹遺經或可挽朱顏

散曙戶榆橫萬戶礎初急

秋

孤城柝自鳴涼柯無靜鳥

竹

獨院有殘檠側想中條翠

澆

難尋舊日盟南樓徒倚

川

西嶺擬吹笙三五終應滿

秋

高寒未易名金波須

不夜

竹

玉兔可長生又見當頭好

澆

休爲遶樹驚光原

遙塞合

鑑

愁借故人平風葉虛廊走

秋

霜螢暗砌迎深

更從細細

竹

秋思各盈盈地與岐豐接

澆

天教骨肉并

刀環千里夢

鑑

匹練指鄉程

秋

聞杜鵑

怨鳥曾傳號送春哀音今始聽來真千年蜀魄能留汝

一日秦關又喚人心到天涯知欲化聲隨地氣匪無因

不緣裂破山城竹我已忘歸剩此身

中秋待月分韻得平字五律二首

客意飛銀漢，連宵眼待明。如何團魄在不爲酒杯傾。虛
幌三秋隔浮雲，萬里橫素娥。還念我一與訴生平。
已忘殊鄉味，猶多永夜情。蟾蜍應不如烏鵲，可無驚地
積塵烟。冷天隨去鴈，平儘教停別影。剪燭話山城。

述懷一首贈浣青

我昔攬瑤杖，遠登鴈宕頂。龍湫兩匹練，垂作天梯影。便
欲凌清都，神漿一酩酊。口中金鵝蕊，喫爲朝霞冷。道逢
方瞳叟，笑我內熱縈。求道非所慳，爾髮今尚青。君家有
小阮，乃是許飛瓊。相期三十霜，攜作勞山行。歸來視汝
貌，覺汝益娟妙。雖遲石髓握，自有鸞鳳嘯。因之探紫書。

銘骨誓共好西來空中塵吹汝去咸秦子亦隨落葉飄
泊東海濱咸秦三千里時寄一函紙上言心如月照我
隔江水縱有肺腑時只在青天裏我亦報以書上言心
如雲散漫雖失所卷舒靈氣存終然得長颺相合高秋
夏六年自凋絕我復馳京國日落黃金臺春風蕩草色
峇嶽觚稜爵欲近無八翼大道驕朱輪中人賤白璧五
噫豈敢咏三黜竟安適忽然憶骨肉尚在天之涯暮辭
舊酒徒凌晨便登車疲馬涉清漳一步一驚沙銅雀飛
旣沒金谷荒含嗟唯有太行色送客蒼嵐斜踰河見華
嶽朶朶蓮花蠹兩戒劃金根三峯駐日足思登遠呼吸
聊豁糠粃目唯愁玉女嗤世鞅仍碌碌幾日炎風生徑

至頻陽城修焉見顏色先已涕淚橫豈無中心事欲語
難成聲中堂列肴楹且復傾杯觥長安帝王域送我去
遊歷山作漢苑青沼凝唐殿碧高標墮鴈影遠徑埋鹿
跡不到灞橋邊恐令離緒逼還轅坐清署官燭燒不住
愛汝發幽吟居然掩飛絮池荷漸零霜庭竹響寒露明
鏡不借人秋帶在延佇側聞珂箙邊征戍多未還行者
視劍映居人感刀環徒懷相如檄終遜祖述鞭從今罷
西笑夢斷金門烟欲斂萬里心驚畚嵩山巔家中舊塵
尾歲久亂難理窅窅青箱蟬延延畫廊螿張摯旣不達
王覽猶未起與汝今執手眼盡秦關鴻富貴安足戀世
事如秋風懷中古苔篇漫滅無與通何時得寶訣共使

玉顏紅

秦鏡歌

咸陽宮中月壓檐美人鬢影手啓奩圓冰一角耀寒髮
飛入金蠶箔中沒千年牧火燒縷枯土花繡蝕澁亦腴
緇黃紺碧雜以絢背鵝葡萄與海燕蘭池白徒盜不得
留漬魚膏發生面我聞秦皇之鑑百鍊成腸胃可入表
裏明荆卿匕首漸離筑何不照使心膽呈乃知吉凶貴
自慎仙人四規在方寸我持此鏡三太息素旃元錫不
爾拭

題畫贈韞山二首

同車夢繞三千里隔院吟聯十二時今日天涯分手去

春風韋杜好相思

灞岸絲絲柳自秋無情清渭只西流贈君一幅江南岫
臨水登山有客愁

題浣青詩稿

青禽墮海上嘯與凡鳥殊
瑤玉雖未雕叩之舍清虛
太音不在世拉雜多笙竽
折揚歌皇琴里耳何其愚
腰鼓喧春雷鐘以二缶孤
所以彭澤軫不絃返厥初
吾家一雛鳳乃是昭蕙餘
時時吐幽吟俗籟悉屏除
夕露散秋篠不忍爲敷腴
我如柯亭椽雖奏情嗚嗚
見此感歲光三唱爲之吁
洛水有婢聲羊何和無徒
手攜九靈管與汝遊天衢

秋窻雜咏分韻六首

殘荷得刪字

半池霜倒夕陽間
誰遣愁聲雨後刪
一自西風吹綠髮
漫從南浦憶紅顏
離披漸逐菰蒲老
蕭瑟唯餘鷗鷺閒
爲語製衣天畔客
得歸猶及弄潺湲

風葉得空字

飛飛一片逐烟空
別樹飄零誰與同
似客已殘艱去住
和愁無着亂西東
到來荒徑聲初下
舞盡斜陽力漸窮
舊日哀蟬能識我
故枝望斷是霜中

客燕得人字

舊憶烏衣歷好春
天涯毛羽竟誰親
一時入幕空儔侶

千里銜泥獨苦辛，寧向銀塘寒掠影。肯從青瑣久看人，
差池不是無家別。海國雙飛，別有鄰。

吟蛩得西字

急管哀絃，意共淒聲聲不定。暮窻西何時，風露銷悲氣。
有客庭階感故妻，咽處三更兼敗葉。斷來四壁已荒雞，
不平知爾緣何事。歲歲霜根恨所棲。

涼檠得青字

爲向寒更惜影形，一篝斜點焰熒熒。照人苦戀霜毫白，
近牖疑含雨氣青。欲滅漸聞天外鴈，半迴已冷夢中屏。
蘭膏幾許銷歌舞，牆角誰憐棄薄暝。

霜杵得高字

苦寒乍對長安月寄遠難通故國袍
山上藁砧秋自隔
閨中紈素夜空勞
聲催落木兼蟲急
響答淒風與鴈高
白帝城邊征戍客
可堪刀尺夢江皋

史皇造字臺

在昆明池左舊爲三會寺韋蘇州有詩

女媧搏黃土塊然人形成誰知陽武翁
早洩萬物精升
山察鳥跡指掌天文生啾啾鬼夜號
訴帝不敢爭功成
獻蛇首卦畫相縱橫文字始濫觴
六書遂紛更一朝淳
悶破情僞莫可平
終令結繩難焚滅
徒強羸崇臺起何
代劫火鄰昆明
流爲龍象宇緒及
梵唄聲庖犧得良佐
此是著作卿
珥筆踵者誰
萬載竊史名
陽虛四七字
陽虛

石室有倉頡書二十八字今尚存

石泐含光晶
安能起俗學
一接粟雨

傾

秦始皇塚

秦帝掃八極死葬驪山旁橫然虎視心久與塵消亡當
時役徒七十萬盡闢幽房作遊觀障泉却使東西行下
涸三淵地脈斷臣斯昧死言築陵陵已堅鑿之不入火
不然陛下居此億萬年海不自流於遐荒日不自懸於
扶桑人非元氣足駐朽徒葆死骨安能長可憐輻輳夜
半發祖龍今年竟不活美人鐘鼓散如雨三百離宮惟
落月我思嬴政才亦是真英雄利嘴啄六國戈甲爲之
空誠然逆取能順守何必長城北築連高穹扶蘇不逐
付大統蒙恬爲將權兵戎縱不能一世二世至萬世沛

上何有隆準公豈知豺聲自堯禹天下箝口不得語獨
有淳于一博士早識刑威失枝輔咸陽三月劫火吹一
朝金鳧飛作灰冶銅塗漆竟何力羸羊兩角驅之開昔
時渭水爭挽石今日土花悲蝕碧乃知上古之聖不樹
墳後來達者楊王孫

漢通天臺金銅仙人歌

竹宮夜涼清如水武皇親齋見星起築臺高高入雲裏
玉杯承天寒不洗當年望拜祀太一星光十二檐角出
嶂嶮細棗乍作燈照見天神如白日樓船揚僕何時還
上林三官鹿幣殘通侯一換馬肝食翠麟簾幙空垂壇
人生富貴何所極唯有大葯匪易得黃金可成河可塞

茂陵劉郎只如客此臺建自元封始此人不隨青龍徙
魏車西來挽千里一朝盤墮露華死移人人動淚不止
爲見斜陽暮含紫臨洮長狄渺何許休屠金人亦吾侶
千百年來入河渚銅人十二其十一後皆毀爲錢其一棄於河中見水經注椽桷飛
飛去風雨元鳳間臺自毀椽桷化爲龍鳳從風雨飛去見三輔黃圖

唐昭陵石馬歌

九嶼山前秋草長松風吹落寢路蒼天教開國有神物
龍媒化石猶騰驥其西第一馬竦峙圍人撫膺拔膺矢
其東第一西第二各踞左足作踞勢其餘三馬形馳奔
鬣尾不動含風雲馬高四尺身三尺雖裂苔痕氣雄特
是爲六駿立陵後頡利諸酋列其北我聞虬髯帝子神

勇姿摧梟殄獍紛追飛皆乘此馬一敵萬雷入電出無
堅圍餘威分馬馬不知每顧勝影成驕嘶功成旌旆映
絕足歸來浴垢趨龍池四十八監置不得大奴劉秣愁
難施帝曰凌烟圖厥像馬兮貌汝恐彫喪肖之以石屹
相向千秋魄旁兩驍壯吁嗟百年鏖騎逼天閑幾失照
夜白黃旗宵蕩潼關兵石馬猶能怒殺賊君不見哥舒
僕固皆駑駘不及舞馬傷銜杯金粟堆南木含涕誰能
斷此相追陪

華清宮故址

開元初政如太宗焚棄錦玉身親農匡扶更得四良相
後者張韓前璟崇作樓花萼與勤政侈靡何有華清宮

承平行樂在垂暮女戎邊禍交相攻前何精明後憤蒼
靡不有初鮮克終華清之宮驪山足玉殿千重昔連屬
帝輦恒從十月來羽騎雲旂映山綠就中湯泉十八所

海棠最好晴流馥

海棠泉名卽太真賜浴處

鳳吹紛隨瓊鬢生蛾眉

豔入鉛波曲有時浴日起風雨石龍鱗奮驚難逐

祿山於范

陽鏤白玉石爲魚龍鳧馬以獻元宗命陳于湯中因幸解衣將入而魚龍皆作奮鱗飛動狀帝大恐因命撤去

千年但有周垣長新豐樹色猶蒼蒼沉香大槍杳何處

何況羯鼓酣春光

元宗初講武羅山躬擐甲冑執沉香大槍指揮單聲振山谷

羅衣

環上一朝解朝元夜月空淒涼西行帶得蜀鵲返至今
嘯遍荒臺旁君不見清渭西流恨無已長安幾見金人
徙周家烽火唐鼓鼙亡國都出一妃子

望慈恩寺塔

曲江一宴帶春風，客到空愁漫落中。
爲語文章推李杜，姓名偏未殿諸公。

遙看碧瓦聳斜陽，古殿含元已渺茫。
閒殺山東狂李白，更無人獻紫瓊霜。

聞西師捷音

聞說黃旗一道馳，遙看送喜到彤墀。
天威豈屑開邛笮，士氣終當斬郅支。
飛輓幾年愁絕域，羽書萬里有驚麾。
舞干從此皆王會，却笑輪臺詔六師。

聞鴈

知爾久應至，晴空一叫愁。
遠來非舊羽，相失易高秋天。

外去何好霜中跡，湯留誰能念孤影。早遂稻粱謀。

兩夜懷曼亭

秋雨自成氣，瀟然近夜殘。遙知連白道，直去到長安。遠
砌得蛩寂，疎檠入鴈寒。來朝見山翠，又作故人看。

和才媛畢素溪寄浣青七律元韻卽示浣青

又見霜林萬瓦浮，荒城夕氣入簾鉤。人非白鴈頻爲客，
牖有蒼山易疊愁。天際音書空一月，時甚望南中信卷中蕭艾

已三秋。半生乍對長安酒，誰遣行藏獨倚樓。

何來一尺錦鱗浮，蘆尾新看墨幾鈎。吹到吳楓惟惜別，
夢成越鳥總含愁。風塵肯鑿羅幃月，懷袖誰緘紈扇秋。
素溪有吟楚贈浣青辭極清婉同是素心千里隔，天涯我亦仲宣樓。

秋子歌

秋子爲海棠實大者如林禽小者如櫻桃色紅秦中多以入果屬啖之

霜枝斲愁圓作血美人秋淚化珊瑚
實千年銷盡暈臉脂
只有酸心裏如一赤瑛盤中不見汝
殷然顏色怕與數
三春舊怨染秦衣別訂西風小名譜
碧雞坊頭杜宇歇
絲絲颭烟不得活上林蠻查萬顆懸
酒醒丹喉枉凝渴

灞橋曲

灞橋在何許乃在長安之東東陵之北
下有灞水清且
漪上有垂楊千縷亂如織楊花墮水
逐水去雖有斜陽
留不住行人攬轡重
踟躕清淚隨風散成霧
願迷郎車
去無路

灞橋長復長千秋萬古橫在大路旁
柳絲亂復亂曾見

東西往來之人腸寸斷此橋曰長存新莽時改灞橋曰長存橋此柳
真銷魂前水後水遞相續不及朝朝別淚流驚塵流驚
塵各揮手一聲阿得脂催汝青絲作白首

題畫與浣青

可惜窻中岫青青非故山浮雲吹易去飛鳥欲俱還松
石意如此琴尊客未閒空餘竹林意著我畫圖間

題畫贈楊生

便擬他時棲水竹豈容吾輩老菰蘆閒將三寸長康管
寫出吳門舊酒徒

題畫四首贈曼亭

風吟太白詩想見崔秋浦今日到山城秋花滿風雨

舊憶湖隄上同看碧草齊所嗟人異鳥不久越山棲
秦關一片月照我十旬留贈君長相憶吾從張翰舟
幅幅秋山好飛飛木葉徂此中堪結屋不是灞橋圖

題畫贈徐秀才

別夢頻年付白鷗重逢太華又經秋倦遊說與鵝溪絹
中有吳江一葉舟

見君白髮才將老媿我青山路尚賒寄語華清舊時月
照人休只在天涯

九日雜感四首

頻年江國看花節此日山城近別時朔鴈豈知催客鬢
秦雲空復照愁卮半生骨肉茱萸夢一夕鄉關風雨期

安得天涯免揮涕悠悠清渭不勝思

淅沮水繞古頻陽秋到高原木盡黃漢后祠傾唯落日
唐陵草徧有衰楊人從彈鋏籌身世鳥爲經風感稻梁
慙媿季鷹歸計好尊鱸不遣戀他鄉

夢中白髮家千里病裏青袍酒數杯未有頭銜能滯客
已無心緒可登臺依人叢菊霜徧早惜別蒼山雨易來
不及柴荆長啜粟年年皮骨累清才

走馬燕臺復到秦倦遊無奈只長貧太冲嬌女空存眼
子敬遺琴已作塵黃鵠幾時能共影青山是處總傷神
登臨莫恠多惆悵一樣西州慟哭人

見菊

此亦故園色移根幸及晨霜中空節物香外卽風塵舊
摘猶餘我閒看有幾人近來消傲骨未敢漉陶巾

題畢中丞所藏董源瀟湘圖

平生遠遊意神往爲湘人洞庭微波夢飛越歸帆落月
秋鱗鱗倏然風景出我眼乃是鵝溪七尺之長卷雲橫
浦兮澹蕩網集潭兮清淺九嶷黛色疊蒼霧一道平沙
淨如剪恍然置我黃陵青草之烟臯耳畔木落聲蕭蕭
三十六灣繞夜雨鴈羣荻影搖寒潮誰歟寫此足清韻
縹緲江山入方寸並時只有僧巨然後起應無霍元鎮
犀簪供好手玉軸親磨鐫隨風不遣化蝴蝶素絲斷續
良由天蕉林翁江村子 國初嗜畫兩無比願公裝池

近秋水中有故人心萬里

仿元人齋中雜咏分韻八首

焦桐得音字

棄材君勿厭報爾有清音便斲孤生質難通熟客心積
薪懷舊侶流水變幽吟一種柯亭笛相憐感至今

蠹簡得殘字

少小期穿穴遺編枉抱殘蟲魚憑作疏鉛槧易求癡一
字懸金久三生食古難自經秦火後又作補亡看

舊劍得霜字

鑄此定何日蛟胎尚染霜不平思壯歲相贈有他鄉幾
動聞雞舞空餘射斗共千金終自寶與我久低昂

斷碑得收字

舊仆斜陽裏曾看礪角牛搨雖煩繭紙摹已損銀鉤完
闕闕金石爬羅辨魯鄒也如彝鼎古折足有人收

塵鏡得顏字

知我慚勲業奩開使暫閒一朝遲拂拭雙影枉迴圓恨
與緇衣合看疑素髮刪肯教心膽露豈在鄣愁顏

破硯得餘字

磈磈終易缺生計石田疎擲地聲還朗驚天雨未除瓦
全輸俗物墨守稱幽居苦憶范馨授家風朴有餘

殘尊得斜字

良夜客竟去長筵燭自斜微溫猶款語重把定誰家世

事同春酌人情記落花呼兒休覆了中有淚波加

做裘得人字

空剩蒙戎質曾隨宛轉身薄寒思上馬漸重爲含塵氣
已殊初服隣猶藉故人只應輸狗盜狐白出關新

雨夜與浣青坐話

幾夕西窻雨天涯尚許同關河雙淚外骨肉一燈中短
髮難消酒哀音易墮鴻明年見春草好與數飄蓬

是夕不能寐作

百年來枕上曉恐鬢霜新獨鴈自遙夜涼衾卽故人身
還同敗葉心未息驚塵點點空階雨催愁聽最真

響泉硯歌贈楊子龍士

往時金沙王岫君治硯古雅極爲名流所賞龍
士名友荀子同里也工篆刻所作硯與王頡頏
發矍濡翰有功儒者不可使之無傳作歌贈之
蠻溪水根裂天雨一堆蒼烟軟如土馬肝龍尾今亦希
元精剗空賴鬼斧子雲髮燥頗嗜奇鑽研心孔入墨池
圓規應手自然出以物肖物物不知大含雲霧細毛羽
陰陽窪突生刀錐鍵門麤砂礪三日黝然山骨成蛟螭
自從史皇墮空粟恬筆倫紙紛製作豈如片石壽不朽
力發幽光靜而馥我有古硯名嚮泉殘崖碎瀑形宛然
授君攻錯得神理啓匣似有聲濺濺吁嗟硯兮硯兮亦
良苦閉置琉璃安足數秋風一夕鸚眼青爲我堅磨淚

千古

砌下有草花色黃五出嗅之不香曰懷抱梅孤芳
失時乃類是乎作詩示擷者

橫斜澗擬見相思幻作黃花未雪時應是春風吝消息
却從小草託心知

荒寒也復傍莓苔名借南枝一例催便遣折來非歲暮
天涯懷抱爲誰開